



UNIVERSITÄTS-
BIBLIOTHEK
PADERBORN

**R.P. Lvcae Pinelli, Societatis Iesv Meditationes De
Sanctissimo Eucharistiæ Sacramento, Et præparatione ad
sacram communionem**

Pinelli, Luca

Coloniæ Agrippinæ, 1603

II. Meditatio. De exellentia & dignitate huius Sacramenti. Pvnta
Meditationis.

[urn:nbn:de:hbz:466:1-59560](#)

PINELLI

flumina retardare te non potuere , quo-
minus tam singulare & pretiosum donū
nobis conficeres & impartires. O anima
mea. Eliae Propheta magni fecit pal-
lium, ab Eliam magistro suo in discessu si-
bi relictum, quo aquas Jordanis diuisit,
& siccis pedibus transiuit, At Dominus,
& Deus Eliæ, transiturus ex hoc mundo
ad Patrem , reliquit tibi non vestem ali-
quam , sed sacratissimum suum corpus,
ut in hac laboriosa peregrinatione sit co-
mestius, in ærumnis robur , & cibus
in vita spirituali salutaris. Iudica ergo
nunc, quanti eum facere, & quam arden-
ti deuotionis affectu eum debeas reci-
pere. Precare interim hunc liberalem
benefactorem tuum , ne tibi eueniat,
quod populo Hebreo , cui cum Iesus
se in magistrum & Ducem obtulisset,
ille repudiata eius doctrina & magiste-
rio, velamen oculorum retinuit, & quod
deterius est cæcitati ingrati animi cri-
men adiunxit.

II. MEDITATIO.

*De excellentia & dignitate huius
Sacramentii.*

PVNCTA MEDITATIONIS.
I. CONSIDERA hoc augustissi-
mum Sacramentum esse originem om-
nium

MEDITATIONES.

9^o
mum gratiarum, donorumque cœlestium : continet enim in se CHRISTVM, ex quo tāquam ē fonte viuo omnis gratia, omnisq; sanctitas in alijs Sacramentis, ac Ecclesia tota existens, promanat.

2. Considera magna miracula ab hoc mysterij plenissimo Sacramento patrata, grauesque poenas, quibus Deus castigauit eos, à quibus indignè fuit tractatus. Hæ enim dignitatem eius demonstrant.

3. Considera, ad suscipienda alia Sacra menta sufficere contritionem, ne impediatur gratia quam conserunt: sed ad recipiendum hoc Sacramentum, si homo sit peccato mortali obnoxius, præter dolorem & reuerentiam, requiritur aliud Sacramentum, videlicet, Confessionis, quod argumentum est excellentiæ illius.

4. Deniq; magnificentia, qua Ecclesia sancta sacram Eucharistiam conseruat, & celebres processiones quas in eius honorem instituit, supplexq; magnoruū Principum veneratio ad huius augustissimi Sacramenti conspectum, testificantur de cius dignitate & excellentia.

FR VCTVS.

Hvivs meditationis fructus est, reue-
reri, & humiliter magno cordis affectu

A 5.

ado-



PINELLI
adorare, tam nobile & excellens Sacra-
mentum, non interna solum, sed exter-
na etiam veneratione:

DISCVRSVS.

Per modum Colloquij.

GLORIARE ô sancta Ecclesia de-
hoc pretioso dono è cœlo tibi de-
lapsa, quod tam eximiū & nobile
est, vt neq; in terra, neq; in cœlo augu-
stus inueniatur. In eo enim cōtinetur, qui
ab Apostolo appellatur splendor gloriae
Dei, sed absconditus, & obtectus, vt te plu-
ribus cumulet beneficijs. Probè nosti,
Moysē descendente è monte Sina, in quo
sermonem cum Deo habuerat, filios Is-
rael ob splendorē vultus eius nō potui-
se cū eo colloqui. Quare, vt habet scriptu-
Heb. 1. ra posuit velamen super faciem suā, vt om-
nes cum eo loqui possent. Ita planè fecit
noster Moyses cœlestis, qui nō contētus
liberatione nostra è dura seruitute Ægy-
pti, in sacra Eucaristia velum acciden-
tiū panis posuit, ne nimio gloriæ eius
splendore aut terremur, aut longius
ab eo recederemus. O amor immense,
quam longè progressus es cum meo Do-
mino? iustam certè caussam habes, Ecclæ
sia sancta, prænobiles excitandiaras, & il-
lustria erigendi tabernacula, ac multi-
plicandi lumina ad honorandum hunc
Exod. 3:4. sacrum.



MEDITATIONES.

sacrosanctum & adorandum panem.
Ctne modo parietes pretiosis peristromatis, & argenteas aureasque thecas con-
strue, in quibus requiescat nam cum ip-
se sit annuligemma, quo à Deo es de-
sponsata, omne pretiosi ornamenti ge-
nus recte in eum competit. Etsi quic-
quid in eius honorem feceris, partim aut
nihil est, si cum eius excellentia vel dig-
nitate compararis. Immò cum feceris,
Quantum scis, quantum potes, & quan-
tum vis, magnitudinē tamen huius glo-
riosi Sacramenti non attigeris, cum tā a
sit eius maiestas, vt alia omnia potius ab
ipso, quam ipsum ab illis, laudem suam
decusq; consequantur. Vnde propter ip-
sum, eiusq; præsentiam & sacerdotes, &
altaria, & tabernacula ac thecae in hono-
re habentur & sanctificantur. Nec mirū
quia in se continet illum qui totam hanc
vniuersitatē condidit, cuius nutu existūt
angeli, & infinitum est omnis perfectio-
nis pelagus. tamque potens & magnus
est, vt infinitè capaciteri nostram ex-
cedat. Quod intelligens Propheta dixit
Magnus Dominus, & magnitudine eius Psal. 144.
nō est finis. Et hæc caussa est, anima mea,
cur in huius admirabilis Sacramenti ex-
cellentia consideranda oculi mentis ca-
ligent, Ne ergo admirere amplius mag-



PINELLI

nitudinem donorum regis Assueri, post
quam Hester sibi despōsauit in coniu-
Rift. 2. gem, illa enim dona fuerunt terrena,
quæ non præbent vitam spiritus. Ad-
mirare potius donum pretiosum, à Deo
Ecclesiæ militanti, postquam sibi natu-
ram humanam despōsauit, exhibutum,
quod donum fuit cœlestis, & valoris in-
finiti, ac dignè recipientibus afferit vitam
æternam. Ehie Domine, dum paras no-
bis donum tuæ maiestati & excellentiæ
consentaneum, eousq; nos tibi deuincis
& obligas, vt si manum non præbeas vo-
lenti rependere gratiam, prorsus ingra-
& infames futuri simus. Sat scio Domi-
ne, te non solere homines nimium pu-
defacere, qui tibi ex amore desiderant ser-
uire. Fac ergo, vt ego tua adiutus gratia te-
diligam, tibiq;ne inferuiam.

III. M E D I T A T I O.

*De mirabilibus huius sanctissimi
Sacramenti.*

PVNCTA M E D I T A T I O N I S.

I. CONSIDERA admirandam Sal-
uatoris nostri sapientiam, qui cibus no-
ster futurus, cum seiret quantum natura
nostra abhorreat à manducaione carnis
humanæ, & portatione humani sanguini-
nis, se sub panis & vini specie, quæ sunt
alimen-